



Broj: 12/08-23-10395-6-1/21

Zenica, 27.09.2021.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-10395-5/21, od 27.09.2021. godine, u otvorenom postupku javne nabavke za usluge broj: 1417-1-2-30-3-29/21 od 30.07.2021. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača

I

U otvorenom postupku javne nabavke usluga za LOT 1 – „Izrada glavnog projekta novog mosta preko rijeke Gostović na regionalnoj cesti R466 dionica Zavidovići-Kamenica na stacionaži 10+215,00 km”, broj: 1417-1-2-30-3-29/21 od 30.07.2021. godine, ponuda Grupe ponuđača „INK constructor“ d.o.o. Banja Luka i „CPK“ d.o.o. Banja Luka (broj: 365-08/21 od 27.08.2021. godine) sa ukupno ponuđenom cijenom od 8.320,00 KM (bez uračunatog PDV-a) izabrana je kao najpovoljnija.

II

Grupa ponuđača koju čine vodeći partner „INK constructor“ d.o.o. Banja Luka (ID broj: 4403095430009), adresa Cerska 45a, 78000 Banja Luka, i član Konzorcija „CPK“ d.o.o. Banja Luka (ID broj: 4404199850006), adresa Bulevar Desanke Maksimović 2, 78000 Banja Luka, dužni su dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana, te Ugovor dodijeliti ponuđaču čija je ponuda po rang- listi odmah nakon ponude najuspješnijeg ponuđača.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Ugovor sa najpovoljnijim ponuđačem iz člana I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „INFRA“ d.o.o. Sarajevo za LOT-1 se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-10395/21 od 30.07.2021. godine. Javna nabavka provedena je po otvorenom postupku javne nabavke za usluge u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-2-30-3-29/21 objavljeno je na Portalu javnih nabavki 30.07.2021. godine.

Komisija za javne nabavke imenovana rješenjem broj: 12/08-23-10395-3/21 od 30.08.2021. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda za LOT-1 su pristigle 3 (tri) ponude.

U periodu od 30.08.2021. godine do 27.09.2021. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača „Infra“ d.o.o. Sarajevo za LOT-1 se odbacuje jer nije dostavljena u skladu sa uslovima iz tenderske dokumentacije.

Tačkom 15.4. Tenderske dokumentacije propisano je da Ponuda treba sadržavati najmanje: a) Obrazac za dostavljanje ponude, popunjen u skladu sa šemom koja je data u tenderskoj dokumentaciji;

Također, tačkom 19.1. Tenderske dokumentacije propisano je da Ponuđač treba popuniti obrazac za dostavljanje ponude i obrazac za cijenu ponude, koji se nalazi u prilogu tenderske dokumentacije, uz naznaku usluga koje će biti izvršene, njihov obim i cijenu.

U ponudi ponuđača „INFRA“ d.o.o. Sarajevo za LOT-1 na str. 1. i 2. ponuđač je dostavio Obrazac za pismo ponude koji se razlikuje od Obrasca za dostavljanje ponude - Prilog 1 Tenderskoj dokumentaciji koju je ponuđač „INFRA“ d.o.o. Sarajevo prema Izvještaju o preuzimanju tenderske dokumentacije preuzeo dana 2.8.2021. u 15:33:46 sati.

U Tački 1. Tenderske dokumentacije na strani 4. u odjeljku „Podaci o ugovornom organu“ navedeno je da je naziv ugovornog organa „Ministarstvo za prostorno uređenje, promet i komunikacije i zaštitu okoline – Kantonalna direkcija za ceste Zeničko-dobojskog kantona“, a u tački 6. TD u odjeljku „Podaci o postupku javne nabavke“ i odjeljku „Podaci o predmetu nabavke“ navedeno je da je vrsta postupak javne nabavke „Otvoreni postupak“, a da je naziv postupka za „LOT 1: Izrada glavnog projekta novog mosta preko rijeke Gostović na regionalnoj cesti R466 dionica Zavidovići-Kamenica na stacionaži 10+215,00 km“.

Na str. 7. Ponude ponuđača INFRA d.o.o. Sarajevo za LOT-1 dostavljena je Izjava o ispunjenosti uslova iz člana 45. stav (1) Zakona o javnim nabavkama BiH koju potpisuje Edin Jahić, direktor INFRA d.o.o. Sarajevo a u kojoj je na crti/ostavljenom prostoru za upis tačnog naziva i vrste postupka upisan broj broj obavještenja o nabavci sa portala javnih nabavki „1417-1-2-30/21 od 30.07.2021. godine“, dok je na crti/prostoru ostavljenom za upis tačnog naziva ugovornog organa upisan nepotpun naziv ugovornog organa „Ministarstvo za prostorno uređenje, promet i komunikacije i zaštitu okoline“.

Također, na str. 13. Ponude ponuđača INFRA d.o.o. Sarajevo za LOT-1 dostavljena je Izjava o ispunjenosti uslova iz člana 50. Zakona o javnim nabavkama BiH koju potpisuje Edin Jahić, direktor INFRA d.o.o. Sarajevo a u kojoj je na crti/ostavljenom prostoru za upis tačnog naziva i vrste postupka upisan broj broj obavještenja o nabavci sa portala javnih nabavki „1417-1-2-30/21 od 30.07.2021. godine“, dok je na crti/prostoru ostavljenom za upis tačnog naziva ugovornog organa upisan nepotpun naziv-ugovornog organa „Ministarstvo za prostorno uređenje, promet i komunikacije i zaštitu okoline“.

Također, na str. 17. Ponude ponuđača INFRA d.o.o. Sarajevo za LOT-1 dostavljena je Pismena izjava iz člana 52. Zakona o javnim nabavkama BiH koju potpisuje Edin Jahić, direktor INFRA d.o.o. Sarajevo a u kojoj je na crti/ostavljenom prostoru za upis tačnog naziva i vrste postupka upisan broj broj obavještenja o nabavci sa portala javnih nabavki „1417-1-2-30/21 od 30.07.2021. godine“, dok je na crti/prostoru ostavljenom za upis tačnog naziva ugovornog organa upisan nepotpun naziv ugovornog organa „Ministarstvo za prostorno uređenje, promet i komunikacije“.

Tačkom 12.5. Tenderske dokumentacije propisano je da će se ocjena tehničke i profesionalne sposobnosti ponuđača izvršiti na osnovu sljedećih izjava i dokumenata koje dostave ponuđači: a) Spisak izvršenih ugovora iz oblasti izrade glavnih projekata mosta, a koji su realizovani, u posljednje tri godine, računajući od momenta predaje ponude-za sve LOT-ove. Spisak mora sadržavati naziv i sjedište ugovornih strana, predmet ugovora, vrijednost ugovora, godinu ugovora. LOT 1: Uz spisak izvršenih ugovora dostaviti potvrde, (najmanje za jedan ugovor minimalne vrijednosti : 7.000,00 KM bez PDV-a), naručioca o uspješno izvršenim uslugama izrade glavnog projekta mosta. Potvrde minimalno moraju sadržavati: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim uslugama iz ugovora. Potvrde se dostavljaju u originalu ili ovjerenoj kopiji.

U ponudi ponuđača INFRA d.o.o. Sarajevo za LOT-1 na strani 14. do 16. dostavljen je Prilog 7.1 Izjava o novčanim vrijednostima ostvarenim na uslugama izrade projektne dokumentacije za izgradnju/rekonstrukciju cesta/cestovnih mostova od 23.08.2021. godine koji je u naravi Spisak izvršenih ugovora realiziranih u 2019. i 2020. godini, ali uz ovaj spisak nije dostavljena nijedna potvrda naručioca

o uspješno izvršenim uslugama izrade glavnog projekta mosta (najmanje za jedan ugovor minimalne vrijednosti : 7.000,00 KM bez PDV-a), što je suprotno zahtjevima iz tačke 12.5. Tenderske dokumentacije. Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača „INFRA“ d.o.o. Sarajevo za LOT-1 se odbacuje, jer nije potpuna i ne ispunjava zahtjeve iz tenderske dokumentacije.

Preostale dvije pristigle ponude, ponuda Grupe ponuđača „INK constructor“ d.o.o. Banja Luka i „CPK“ d.o.o. Banja Luka, te ponuda ponuđača „Invest-Projekt“ d.o.o. Zenica, ispunjavaju postavljene uslove iz Tenderske dokumentacije, a s obzirom na odredbe člana 2. stav (3) Pravilnika o uslovima i načinu korištenja e-aukcije („Službeni glasnik BiH“ broj 66/16) u ovom postupku javne nabavke nije provedena e-aukcija.

U skladu sa tačkom 22. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	Grupa ponuđača „INK constructor“ d.o.o. Banja Luka i „CPK“ d.o.o. Banja Luka	8.320,00 KM
2.	„Invest-Projekt“ d.o.o. Zenica	13.000,00 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za LOT-1 za Grupu ponuđača „INK constructor“ d.o.o. Banja Luka i „CPK“ d.o.o. Banja Luka. Ugovorni organ prihvatio je preporuku Komisije za javne nabavke da se najpovoljnijem ponuđaču, Grupi ponuđača „INK constructor“ d.o.o. Banja Luka i „CPK“ d.o.o. Banja Luka, dodijeli Ugovor za usluge LOT 1 – „Izrada glavnog projekta novog mosta preko rijeke Gostović na regionalnoj cesti R466 dionica Zavidovići-Kamenica na stacionaži 10+215,00 km“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

- 3 x svim ponuđačima,
- 1 x a/a



Obradio:

Elmedin Bašić